

Na osnovu Programa utroška sredstava Ministarstva za privredu Bosansko-podrinjskog kantona Goražde „Program unapređenja usluga javnih preduzeća u Bosansko-podrinjskom kantonu Goražde“ za 2026.godinu, broj: 04-11-125-2/26 od 23.01.2026.godine, Programa o izmjenama dopunama „Programa unapređenja usluga javnih preduzeća u Bosansko-podrinjskom kantonu Goražde“ za 2026.godinu, broj: 04-11-125-17/26 od 15.04.2026.godine utvrđenih na ekonomskom kodu 614400 (HAP 001)–Subvencije javnim preduzećima, Ministarstvo za privredu Bosansko-podrinjskog kantona Goražde **o b j a v l j u j e**:

## JAVNI POZIV

*za odabir korisnika sredstava po Programu utroška sredstava Ministarstva za privredu Bosansko-podrinjskog kantona Goražde „Program unapređenja usluga javnih preduzeća u Bosansko-podrinjskom kantonu Goražde“ za 2026.godinu i Programa o izmjenama dopunama „Programa unapređenja usluga javnih preduzeća u Bosansko-podrinjskom kantonu Goražde“ za 2026.godinu*

### I PREDMET NATJEČAJA

Predmet javnog poziva, je prikupljanje projekata Javnih preduzeća sa područja Bosansko-podrinjskog kantona Goražde, koja vrše emitiranje radijskog i televizijskog programa uzgoj i zaštitu šuma kao i iskorištenje šumskih proizvoda, koja su od javnog interesa za Bosansko-podrinjski kanton Goražde.

### II NAZIV POSEBNOG CILJA PROGRAMA

Posebni ciljevi programa su:

- 2) Podrška Javnim preduzećima u nadležnosti Bosansko-podrinjskog kantona Goražde u vidu grant sredstava, koja se bave informisanjem, odnosno emitiranjem radijskog i televizijskog programa na području Bosansko-podrinjskog kantona Goražde u vidu uređenja prostorija kao i nabavku opreme.
- 3) Podrška Javnim preduzećima u nadležnosti Bosansko-podrinjskog kantona Goražde u vidu grant sredstava, koja se bave uzgojem, zaštitom, pošumljavanjem kao i iskorištavanjem šuma i sekundarnih šumskih proizvoda, sa područja Bosansko-podrinjskog kantona Goražd u vidu nabave neophodne opreme, plaćanje troškova za zdravstveno osiguranje, refundacija troškova za plaćanje naknada, doprinosa u skladu sa važećim propisima ili neki drugi vid podrške a sve u cilju omogućavanja što kvalitetnije proizvodne djelatnosti i kvalitetnijih usluga.

### III CILJEVI I APLIKANTI

Aplikanti mogu podnijeti aplikacije za Projekte za ostvarivanje subvencija po ovom programu u skladu sa opštim i posebnim uslovima (tačka 3.1 i 3.2 Programa).

### IV POTREBNA SREDSTVA

U Budžetu Ministarstva za privredu Bosansko-podrinjskog kantona Goražde za 2026.godinu po ovim Programima planiran je iznos od 540.000 KM.  
Sredstva koja su planirana i odobrena po ovom Javnom pozivu iznose **270.000,00 KM**.

Finansiranje odnosno sufinansiranje projekata iz sredstava ovog programa su definisana kako je prikazano:

2) Podrška Javnim preduzećima u nadležnosti Bosansko-podrinjskog kantona Goražde koja se bave informisanjem, odnosno emitiranjem radijskog i televizijskog programa na području Bosansko-podrinjskog kantona Goražde u vidu uređenja prostorija kao i nabavku opreme.

Budžet: do 70.000,00 KM

3) Podrška Javnim preduzećima koja se bave uzgojem, zaštitom, pošumljavanjem kao i iskorištavanjem šuma i sekundarnih šumskih proizvoda, koja bi omogućila javnim preduzećima nabavku neophodne opreme u cilju održivosti preduzeća, zadržavanju zaposlenih, plaćanje troškova za zdravstveno osiguranje, refundacija troškova za plaćanje naknada, doprinosa u skladu sa važećim propisima ili neki drugi vid podrške a sve u cilju omogućavanja što kvalitetnije proizvodne djelatnosti i kvalitetnijih usluga.

Budžet: do 200.000,00 KM

#### **V KRITERIJI ZA RASPODJELU SREDSTAVA**

##### **Opći uslovi za učestvovanje u programu:**

1. da su registrovana kao javna preduzeća u skladu sa odredbama Zakona o javnim preduzećima, Zakona o radio televiziji BPK Goražde i Zakona o privrednim društvima FBiH.
2. da imaju registraciju i sjedišta na prostoru Bosansko-podrinjskog kantona Goražde,
3. da su u nadležnosti Bosansko-podrinjskog kantona Goražde i da obavljaju djelatnost na prostoru Bosansko-podrinjskog kantona Goražde,

##### **Posebni uslovi za učestvovanje u programu**

1. da se ne nalaze u procesu stečaja ili likvidacije ili blokade računa;
2. da nemaju neizmirenih obaveza za poreze i doprinose, osim obaveza koje su obuhvaćene ugovorom o reprogramiranju obaveza,
3. da su namjenski, u skladu sa ugovorom utrošili sredstva odobrena od strane Vlade Bosansko-podrinjskog kantona Goražde u periodu od protekle tri godine, ukoliko im je takva pomoć dodijeljivana.
4. Aplikanti koji nisu dostavili Izvještaj o namjenskom utrošku sredstava iz prethodne godine, mogu učestvovati na javnom pozivu i mogu im se odobriti novčana sredstva, ali ista se neće doznačiti, sve dok ne dostave dokaze o namjenskom utrošku sredstava odobrenih u prethodnim godinama.

##### **Evaluacija za dostavljanje prijedloga projekata:**

Evaluacija aplikacija se provodi na osnovu administrativne provjere projektne dokumentacije iz koje će se evidentirati indikatori: kvalitet urađenog projekta, ciljevi kroz realizaciju projekta (proizvodni ili administrativni), broj uposlenih u javnim preduzećima i specifičnost korištenja usluga ili radova. Komisija će procjenjivati vrijednost gore navedenih indikatora i o tome dati konačnu ocjenu.

## **VI PRAVO UČEŠĆA**

Pravo učešća za korištenje sredstava imaju sva Javna preduzeća sa područja Bosansko-podrinjskog kantona Goražde, koja vrše emitiranje radijskog i televizijskog programa i koja se bave uzgojem, zaštitom šuma, pošumljavanjem, kao i iskorištavanjem šuma i sekundarnih šumskih proizvoda sa područja Bosansko-podrinjskog kantona Goražde.

## **VII OBAVEZNI PRILOZI**

Uz aplikacioni obrazac za projekte, obavezni prilozi su:

- Aktuelno Rješenje o registraciji;
- Uvjerenje o registraciji poreznog obveznika – ID broj;
- Potvrda da bankovni račun nije u blokadi;
- Uvjerenje o izmirenim obavezama po osnovu javnih prihoda do momenta apliciranja (Kantonalni porezni ured Goražde);
- Uvjerenje o izmirenju obaveza PIO/MIO sa podacima o broju prijavljenih radnika do momenta apliciranja (Kantonalni porezni ured Goražde);
- Uvjerenje od Uprave za indirektno oporezivanje o izmirenim obavezama do momenta apliciranja;
- Uvjerenje da odgovorna osoba u posljednjih 5 (pet) godina nije osuđivana (Općinski sud Goražde);
- Uvjerenje / potvrda da nije pokrenut stečaj ili likvidacija (Općinski sud Goražde);
- Izvještaj o finansijskom osiguranju (bilans stanja i bilans uspjeha za prethodnu godinu);

Svi originali ili priložene kopije dokumenata moraju biti izdati ili ovjereni od strane nadležnih upravnih organa, sa datumom izdavanja ili ovjerom ne starijom od 3 (tri) mjeseca prije dana objavljivanja Javnog poziva na web stranici Ministarstva za privredu Bosansko-podrinjskog kantona Goražde, oglasnoj tabli resornog Ministarstva i Vlade Bosansko-podrinjskog kantona Goražde, kao i putem medija.

## **VIII OBRAZAC APLIKACIONE FORME ZA PROJEKTE**

Obrazac aplikacione forme za projekte je sastavni dio Javnog poziva.

## **IX PREUZIMANJE JAVNOG POZIVA**

Javni poziv sa Aplikacionim obrascima za projekte kao i Program Ministarstva za privredu Bosansko-podrinjskog kantona Goraže mogu se preuzeti u prostorijama Ministarstva za privredu Bosansko-podrinjskog kantona Goražde, ulica Maršala Tita br.5, kao i na Službenoj internet stranici Vlade Bosansko – podrinjskog kantona Goražde [www.bpkgo.ba](http://www.bpkgo.ba).

## **X TROŠKOVI PROGRAMA-PROJEKTA**

U postupku Javnog poziva Ministarstvo za privredu Bosansko-podrinjskog kantona Goražde ne snosi nikakve troškove učesnicima natjecanja, te zadržava pravo da projekat-program prihvati u cijelosti, djelomično ili ga potpuno odbije, poništi javni poziv ili odbaci sve projekte-programe u bilo koje vrijeme prije sklapanja Ugovora. Prispjela dokumentacija o programima -projektima se ne vraća.

## XI OSTALE ODREDBE

Sa kandidatima čiji se projekt-program prihvati, Ministarstvo za privredu će potpisati Ugovor o implementiranju dodijeljenih sredstava, kojim će biti preciziran način i dinamika korištenja odobrenih sredstava, te nadzor nad utroškom istih u namijenjene svrhe.

Sve dopunske informacije vezane za Javni poziv mogu se dobiti svakim radnim danom putem telefona broja 038/228-640 od 08.00 do 16.00 sati.

## XII PODNOŠENJE PRIJAVA

Aplikacioni obrazac sa programom – projektom i traženim priložima dostavlja se u zatvorenoj koverti na protokol Ministarstva za privredu na adresu:

**Ministarstvo za privredu Bosansko-podrinjskog kantona Goražde  
ul. Višegradaska 2a, Goražde 73000, sa naznakom:**

**Javni poziv za odabir korisnika sredstava po „Programu unapređenje usluga javnih preduzeća u  
Bosansko-podrinjskom kantonu Goražde“ za 2026.godinu  
„NE OTVARAJ“**

Javni poziv će biti otvoren do utroška sredstava, odnosno raspoloživosti sredstava, predviđenih ovim Programom, u skladu sa operativnim finansijskim planovima Ministarstva za privredu Bosansko-podrinjskog kantona Goražde, a najkasnije do 31.10.2026. godine.

Broj: 04-11- 125-18/26  
Goražde, 16.04.2026.godine

